



UKKz. Angie Motshekga,  
nguNqgonqgotjhe  
weFundu-Sisekelo



UNom. Enver Surty,  
nguSekela  
kaNqgonqgotjhe  
weFundu-Sisekelo

Iincwadi lezi zenzelwe abentwana beSewula Afrika ngaphasi koburholi bakaNqgonqgotjhe wezeFundu-Sisekelo. uMma u-Angie Motshekga kanye neSekela lakaNqgonqgotjhe wezeFundu-Sisekelo. uNom. Enver Surty.


Iincwadi zokuSebenzela zakwaRainbow ziyingceny yeendlela ezinengi zomNyango wezeFundu-Sisekelo wokungelela onqophe ukuthuthukisa ukusebenza ngcono kwabafundi beSewula Afrika kumagreyidi wokuthoma asithandathu. Njengamanye wamaHlelo womBuso aphuma phambili. iphroekthi le isekelwe ngeemali ezibuya esikhwameni seeMali seLizweloke. Lokhu kusize umNyango ukukhupha iincwadi zokusebenzela lezi ngawo woke amalimi asemthethweni ngaphandle kweendleko. Siyathemba kobana nizokufunyana iincwadi zokusebenzela lezi zilisizo khulu ekufundiseni kwenu kwangamalanga kanye nokuqinisekisa kobana abafundi benu bayayiqeda ikharikhyulamu.

Sitjheje khudlwana ukuhlala abotitjhore komunye nomunye umsebenzi ngokusebenzisa iinthombe ezitjengisako bona ngikuphi umfundu amele akwenze.

Siyathemba kobana abentwana bazokuthabela ukusebenzisa iincwadi lezi njengombana bakhula bebefunda nje begodu wena titjhore uzokwabelana nabo ithabo lokufunda.

Sinifisela ipumelelo ekusebenziseni iincwadi lezi.

ISBN 978-1-4315-0256-1  
  
9 781431 502561



LIFE SKILLS IN ISINDEBELE  
GRADE 2 – BOOK 1  
TERMS 1&2

ISBN 978-1-4315-0256-1

THIS BOOK MAY  
NOT BE SOLD.

Ukubuyekeza,  
ihlaliswe  
ngokwesiTatimende  
sekharukhyulamu  
nomThethomgomu  
wokuhlola

iGreyidi

2



## AmaKghono wezepilo ngesiNdebele

Incwadi 1 – Itemu 1&2



Ibizo:

Itlasi:



**basic education**

Department:  
Basic Education  
REPUBLIC OF SOUTH AFRICA



## Okumumethweko

### Ithemu 1

Ikhasi

- 1 Sidinga ukudla okunepilo ukuze siphile ..... 2
- 2 Amanzi asinikela ipilo ..... 4
- 3 Ukongwa kwamanzi ..... 6
- 4 Ummoya ohlanzekileko/ohlwengileko usipha amandla ... 8
- 5 Mina nabanye ..... 10
- 6 Abantu abaseduze kwethu ..... 12
- 7 Akusekho ukuthelisa ..... 14
- 8 Soke sikhethekile ..... 16
- 9 Sizizwa njani ..... 18
- 10 Abantu abaphila nokukhubazeka ..... 20
- 11 Boke abentwana baligugu bebakhethekile ..... 22
- 12 IkuTani yami ..... 24
- 13 Ukuhlanza amanzi ..... 26
- 14 Indlela yokuphila ekungiyo ..... 28
- 15 Imikhqizo eyonakalako naleyo engonakaliko ..... 30
- 16 linkolo kanye namalanga akhethetekileko ..... 32




Published by the Department of Basic Education  
222 Struben Street  
Pretoria  
South Africa

© Department of Basic Education  
Fifth edition 2015

ISBN 978-1-4315-0256-1

This book may not be sold.

The Department of Basic Education has made every effort to trace copyright holders but if any have been inadvertently overlooked the Department will be pleased to make the necessary arrangements at the first opportunity.



### Ithemu 2

Ikhasi

- 17 linkhathi zomnyaka ..... 34
- 18 linkhathi ezine zomnyaka ..... 36
- 19 linkhathi zomnyaka ..... 38
- 20 Ukwembatha ngendlela ubujamo bezulu bungakho ..... 40
- 21 Imithelela yeenkathi zomnyaka ..... 42
- 22 Ukutjala isitjalo ngebhlegeni ..... 44
- 23 linlwana: linlwana zemaplasini ..... 46
- 24 Eplasini ..... 48
- 25 linlwana zemangweni ..... 50
- 26 linlwana zizifihla njani ..... 52
- 27 linlwana zangemanzini ..... 54
- 28 linlwanyana eziphila ngaphasi kwamanzi ..... 55
- 29 Ubukghwari beenlwana ..... 56
- 30 linlwanyana ezithwala imizi yazo ngaso soke isikhathi ..... 58
- 31 linlwana ezizakhela izundlu zona ngokwazo ..... 60
- 32 Isihlathululi-magama sami ..... 62




## Amalanga aqakathekileko 2015

### UJanabari

Mhla li-1 kuTjhirkwenu lilanga lomNyaka omuTjha

Mhla ama-3 kuTjhirkwenu lilanga labeNtwana beenTradeni

Mhla ali-14 kuMhloLanja, liLanga le- St Valentine



### UFeberbari

Mhla ama-2 kuMhloLanja liLanga lePhasi lamaChaphozi

Mhla ali-14 kuMhloLanja, liLanga le-



### U-Apreli

Mhla ali-3 kuSihlabantanga, liLanga leGudi

Mhla ali-4 kufika mhla ama-11 kuSihlabantanga, leleNyuko

Mhla ali-5 kuSihlabantanga, lilanga lomkhosi wokuVuk

Mhla ali-6 kuSihlabantanga, liLanga lomNdeni

Mhla ali-7 kuSihlabantanga, liLanga lePhasi lezePilo

Mhla ama-22 kuSihlabantanga, liLanga leenTjhabetjhaba laboMma emHlabeni

Mhla ama-27 kuSihlabantanga, liLanga leKuleku

### Umeyji

Mhla li-1 kuMrhayili, liLanga lezabasebenzi

Mhla ali-10 kuMrhayili, liLanga laboMma

Mhla ali-15 kuMrhayili, liLanga leenTjhabetjhaba lezemindeni



### UMatjhi

Mhla ali-5 kuNtaka, lilanga lePurim

Mhla ama-21 kuNtaka, liLanga lamaLungelo wobuNtu

Mhla ama-21 kuNtaka, liLanga leeNtjhabetjhaba lamaHlathi kanye nemithi

Mhla ama-20-21 kuNtaka, liLanga leomNyaka omuTjha wamaBaha'i

Mhla ama-22 kuNtaka, liLanga lePhasi laManzi

Mhla ama-28 kuNtaka: liIri leHlabathi

(20:30-21:30 (ngesikhathi sendawo yekhethu)

### UJuni

Mhla li-1 kuMgwengweni, liLanga labaBeleti iPhasiloke

Mhla ali-4 kuMrhayili, liLanga leentjhabetjhaba labeNtwana abaLahlekako

Mhla ama-5 kuMgwengweni, liLanga lePhasiloke lezeBhoduluko

Mhla abu-8 kuMgwengweni, liLanga lePhasiloke lamaLwandeza

Mhla ali-12 kuMgwengweni, liLanga lePhasiloke lokungasetjenziswa kubebNtwana kabuDisi

Mhla ali-16 kuMgwengweni, liLanga leluTjha weRamadan

Mhla ali-18 kuMgwengweni, kuthoma kwamaLanga

Mhla ali-21 kuMgwengweni, liLanga laboBaba

### UAgosti

Mhla ali-9 kuRhoboyi, liLanga laboMma

Mhla ali-13 kuRhoboyi, liLanga leenTjhabetjhaba labantu abasebenzia izandla zangesinceleni



### UOktoba

Mhla ama-2 kuSewula, liLanga leenTjhabetjhaba lokuNgabineturhu

Mhla ama-5 kuSewula, liLanga lePhasiloke laboTitjhhere

Mhla ali-11 kuSewula, liLanga leenTjhabetjhaba lomNtwana womNtazana

Mhla ali-14 kuSewula, liLanga le-Al-Hijira (umNyaka omuTjha wama-Islamu)

Mhla ali-15 kuSewula, liLanga leenTjhabetjhaba laboMma bezAbelweni

Mhla ali-16 kuSewula, liLanga lePhasiloke lokuDla

### UNovemba

Mhla ali-11 kuSewula, lilanga leDeepavali (iDiwali)

Mhla ali-12 kuSewula, lilanga leVikram (UmNyaka omuTjha we-2072)

Mhla ama-20 kuSikinyikha, liLanga Zombelele



### UDisemba

Mhla li-01 kuNobayeni, lilanga lePhasiloke leNtumbantonga

Mhla ama-3 kuNobayeni, lilanga leentjhabetjhaba labantu abaphila nokuKhubazeka

Mhla ali-5 kufika mhla ali-14 kuNobayeni lelangalibetjhaba

Mhla ali-6 kuNobayeni, lilanga lekuBuysana

Mhla ama-25 kuNobayeni, lilanga lakaKresimusi

Mhla ama-26 kuNobayeni, lilanga lokuLibalelana



AmaHolideyi weLizweloke weSewula Afrika:

Ilanga eliqakathekileko lesikhumbuzo samaJuda:

Ilanga eliqakathekileko lesikhumbuzo sama-Islamu:

Ilanga eliqakathekileko lesikhumbuzo sakaBaha'i:

AmaLanga weenTjhaba eziBumbenecho:

# IGreyidi

2

AmaKghono wezePilo  
ngesiNdebele  
Incwadi yoku-I



Incwadi le ngeyaka:



# Sidinga ukudla okunepilo ukuze siphile



Asifunde

Itthemu - I - I'veke - I - Iphepha lokusebenza

Imizimba yethu itlhoga ukudla ukuze ikhule. Kumele sidle ukudla okubuya emikhakheni yoke yokudla qobe lilanga. Kumele sidle ukudla okunepilo ukuze sibe namandla aneleko ukwenza lokho esifuna ukukwenza. Nangabe asikudli ukudla okunepilo, singagula.

## Imikhakha yokudla emihlanu

Iinthoro kanye  
nemikhiqizo  
yeenthoro


Abanye abantu  
badla imirorho  
kwaphela. Lokho kutjho  
kobana abayidli inyama.  
Badla kwaphela ukudla  
okusemabuthelelwani  
amane kwaphela.

Inyama,  
ihlambi,  
inyama yefuyo  
enamaphiko, amantongomani  
kanye neembhontjis

Imirorho kanye  
neenthelo


Amafutha kanye  
ne-oli

Imikhiqizo  
yederi



## Asenzeni lokhu

Khuluma nomngani kobana ngikuphi ukudla  
okunepilo kilokhu. Kundulungele.



## Asitlole

Yenza kwangathi  
uye esitolo  
esiyisuphamakethe  
nomamakho  
ukuyokuthenga  
ukudla kwakusihlwa.  
Yenza irhelo lokudla  
oyokuthenga okunepilo  
ekuyokudliwa mndeni  
wakwenu.



# Amanzi asinikela ipilo

Asikhulume

Kubayini sitlhoga amanzi?  
 Abantu, iintjalo neenlwana  
 zitlhoga amanzi ukuze ziphile.  
 Amanzi athatha ukudla  
 esikudlako akuse eengcenyeni  
 zoke zomzimba. Amanzi asiza  
 ukukhupha okungasatlhogwa  
 mizimba yethu.

Asenzeni lokhu




Qobe lilanga sisebenzisa amanzi emakhaya. Tjela umngani wakho kobana amanzi siwasebenzisela ukwenza ini? Bala izinto ezahlukahlukeneko. Emva kwalapho gwala iinthombe ezine ukutjengisa kobana amanzi asetjenziselwa ini. Tlola isihlokwana ngehla kwaleso naleso isithombe ukuhlathulula kobana simayelana nani isithombe.

Ithemu - I – I'veke - I – Iphepha lokusebenzela




Asitlole

Amanzi siwathola kuphi? Thala umuda ukumadanisa  
isithombe negama elinembako.



Asiphumele ngaphandle


Ithwasahollo

Isiphehlammoya

Umlambo

Idamu

Ipetsi



Ngaphambi kobana nenze umsebenzana ngaphandle, kokuthoma ziluleni njengokatsu. Lokhu kuzokwenza imizimba yenu kobana iluleke beyinyakaze kuhle. Begodu nasele niqedile ukwenza umsebenzana lowo, zeluleni ukuze niledlhе benipholise imizimba. Lokhu kuzonisiza kobana ningezwa ubuhlungu bemisipa.



- Yeqa njengesirhwarhwa. Banga itjhada elenziwa sirhwarhwa.
- Phoselanani ibholo nanyana umgodlana oneembhontjisi ngaphakathi omunye awugame.
- Ngemva kwalapho phosela ibholo nanyana umgodlala onamatjana phezulu bese uyawugama godu.
- Beka umgodlana oneembhontjisi ehloko yakho unzinze bese ukhamba msinya. Phalisana nomngani wakho. Qalani kobana nizokukhamba ibanga elide kangangani ngaphambi kobana umgodlana lowo uwe.



# Ukongiwa kwamanzi



Asikhulume

Amanzi aqakatheke khulu, kumele singawoni.  
Khuluma nomgani wakho ngeendlela ezhlanu  
ezahlukeneko esingonga ngazo amanzi.



Asitlole

Tlola imibono emibili esingonga ngayo  
amanzi esikhaleni esingenzasi.



1.

\_\_\_\_\_

2.

\_\_\_\_\_

\_\_\_\_\_

Ithemu-1 – Iweke-2 – Iphepha lokusebenza



Asenzeni lokhu

Sebenzisa  
amakhrayoni kanye  
nephewha ukwenza  
iphosta enemibalabala  
ngokonga amanzi.  
Iphosta yakho imele  
ikhuthaze abanye  
kobana bonge amanzi.  
Nasele uqedile  
ukwenza iphosta  
yakho, yitjengise  
umngani wakho.

Ilanga: .....





Omunye wenu kumele abe yipisi.  
Dlheganani ngokubuza umbuzo othi,  
"Sikhathi bani  
Nomzana Pisi?" Njalo nawubuza umbuzo,  
ipisi imele itjho kobana sikhathi bani.

Kodwana lokha ipisi nayithi "sikhathi sokudla," ipisi izokuthoma ukugijimisa abentwana. Kumele ugijime ubaleke ngaphambi kobana ikubambe.

Kwanje tholani iwulahubhu nidiale ngayo. Wena nomngani wakho kumele nidlhegane ukukhamba nizombe phezu kwewulahubhu, kokuthoma ukhamba ngeenyawo ulamanise ngokukhamba ngezandla. Ngemva kwalapho bamba kwewulahubhu ngezandla zakho lokha abangani bakho bakhasa ngaphasi kwayo.  
Dlheganani ukwenza lokhu.

Kokugcina,  
ngeenqhem  
zanga-4 zijayezeni  
ukwethula umgido  
weSewula  
Afrika.



Teacher:  
Sign:  
Date:

# Ummoya ohlanzekileko/ ohlwengileko usipha amandla



Asifundeni

Ummoya esiwuphefumulako une-oksijini. I-oksijini isiza imizimba yethu ukusebenzisa ukudla esikudlako. Ngemva kwalapho, sithola amandla. Lokha nasiphefumula ummoya ongakahlanzeki, imizimba yethu ayikwazi ukusebenza kuhle nangefanelo.



Asitlolo

Hlala nomngani wakho. Nobabili, qedelelani iinkhala ezsemitjhweni elandelako:

Najdinga ummoya ohlanzekileko/ohlwengileko ngombana

---

Lokha ummoya nawusilaphelko

---

Ummoya uyasilaphala lokha

---

Singenza ini ukugcina ummoya uhlanzekile?

1.

---

2.

---



Asifundeni

abantu batlhoga ukuhlala elangeni ukuze bathabe bebazizwe baphole tswe. Ilanga lisiza imizimba yethu ukwakha iVithamini D. IVithamini D yakha amathambo aqinileko. Nawuhlala elangeni khulu nakhona akukalungi. Ilanga lingasitjhisa sisale sinamabala wokutjha esikhunjeni. Kumele usebenzise isezezo esikhandela ilanga kobana lilimaze isikhumba sakho.



Asitlole

Qedelela ngokutlola eenkhaleni ezingenzasi.



Ngingaphepha ukuhlalela ilanga elitjhisa khulu ngoku-

- I. \_\_\_\_\_
2. \_\_\_\_\_
3. \_\_\_\_\_



Asivumeni

Vumani ingoma elandelako  
bese niwahlela igido layo.



**Ukukhanya kwami**



**Ukukhanya kwami ngingedwa.**

**Uyangithabisa**

**Lokha umkayi nawusamlotha.**

**Angekhe wazi, wena othandekako,**

**Kobana ngikuthanda kangangani.**

**Ungathoma hle ususe ukukhanya kwami.**

Kumele usebenzise  
isezezo esikhandela  
ilanga kobana lilimaze  
isikhumba sakho.




Teacher:
Sign:
Date:



# Mina nabanye

Ithemu-1 – Iweke-3 – Iphepha lokusebenza



Asikhulume

Soke siyathanda ukuba  
nabangani abalungileko.  
Wazi njani kobana umngani  
wakho ulungile?



Asitlole

Esikhalieni esingenzasi, tlola izinto ezenza kobana  
omunye umntwana sithi umngani olungileko.

1.

2.

3.

4.



Asitlole

Cabanga ngemibuzo elandelako bese utlola  
phasi iimpendulo zakho.


Bangaki abangani bakho?

Ngubani ibizo lomunye wabangani bakho abakhulu?

Sikhathi esingangani nibangani?

Yiniokukhethekileko ngomngani ekukhulunywa ngaye ekondlwani engehla?





Asikhulumo

Hlala nomngani wakho bese nikhuluma ngeentatimende ezilandelako.  
Tlola itshwayo (✓) ngebhoksini nangabe liqiniso, kanye nesiphambano (✗)  
nangabe akusilo iqiniso.

## Irhelo lokuhlola ubungani

Iye ✓ Awa ✗

Umngani wami unetjhejo.

Umngani wami uyangisiza.

Umngani wami wabelana nami.

Umngani wami akalwi nami.



Asenzeni lokhu

Cabanga ongakwenza ukuze  
umngani wakho azizwe  
akhethekile. Ngemva kwalapho  
gwala isithombe ngento  
leyo bese usenzele nefremu.  
Khumbula ukukghabis  
ifreyimi yesithombe sakho.  
Nasele ukwenzile lokho,  
khulumanu ngemibala epholileko  
kanye nemibala etjhisako  
oyisebenzisileko esithombeni  
sakho.



Asitlole

Tlola imtjho emibili ngesithombe.




# Abantu abaseduze kwethu



Asikhulume

Qala iinthombe. Cabangani ngezinto ezihle ezenziwa bangani bese nicoca ngazo eenqhemeni zenu. Ngemva kwalapho cabangani kobana abangani abambi benzani. Tshwaya (✓) esithombeni ngasinye esitjengisa ubungani obuhle bese utshwaye isiphambano (✗) esithombeni esitjengisa ubungani obumbi.

Ithemu-1 – Iweke-3 – Iphepha lokusebenza









Asifunde

Funda omunye nomunye umutjho bese ufaka umbala ipendulo  
Iye 😊 nanyana Awa ebusweni obunembako 😞.



Ngimngani olungileko.







Nginetjhejo  
kumngani wami.

Ngibalungele abafundi engifunda nabo  
ngetlasini.

Abafundi engifunda nabo ngetlasini nabo  
bangilungele bebanomusa kimi.

Nginommoya ophasi  
ebantwini ebatjhidelene  
nami.



Asithuthuke

Asidlaleni "Jama emthunzini wami".

Wena nabangani bakho kumele nilinge ukugadanga  
iinthunzi zenu. Dlheganani nibone kobana  
ningagadanga phezu kweenthunzi ezingaki. Ungalokhu  
ukhamba ukukhandela umngani wakho kobana  
angajami emthumzini wakho.




# Akusekho ukuthelisa



Asitbole

Qalani esinye nesinye isithombe.

Ungenza ini nangabe umntwana otheliswako? Eduze kesinye nesinye isithombe tlola umutjho owodwa ngokuthi kumele sibaphathe njani abantu.




---



---



---



---




---



---



---



---




---




---



---



---



## Asenzeni lokhu

Wena nomngani wakho lingisani  
umntwana othelisa omunye.  
Yitjhoni-ke kobana kungenziwa ini  
ukukhandela ukutheliswa kwabanye  
abentwana.





## Asiphumele ngaphandle

Zihleleni ngeenqhemha zaba-5.

Kwanje jamani umjeje bese nidlulisela ibholo phambili ngokuyiphoselana. Qalani kobana ngisiphi isiqhema esingaphoselana ibholo begodu ingawi beyiyokufika ekugcineni ngesikhathi esifitjhani. Nasele niqedile ngalokho, lingani ukuphoselana ibholo ngenye indlela eyahlukileko:

- Phosela omunye umfundsi ibholo ojame ngemva kwakho, kodwana ibholo kumele uyiphose bese idlula hlangana nemilenze yakho.
- Phosela omunye umfundsi ojame ngemva kwakho, kodwana ibholo kumele uyiphose bese idlula ngaphezu kwehloko yakho.
- Phosa ibholo ngesinceleni bese idlulela komunye umfundsi ojame ngemva kwakho.
- Phosa ibholo ngesidleni bese idlulela komunye umfundsi ojame ngemva kwakho.
- Kwanje phoselanani ibholo bese niyabala kobana ningayigama kangaki.



# Soke sikhethekile

Ithemu - I - Iweke - 4 - Iphepha lokusebenza



Qalani iinthombe bese niyatjho kobana abafundi abalandelako bafana ngani. Yitjhoni nokobana bahluke njani.





### Asifunde

Dlalani umdlalo olandelako ngeenqhema. Qalani boke abafundi ngetlasini yenu. Ngemva kwalapho fundani iintatimende ezilandelako. Nangabe isitatimende siliqiniso, tshwaya (✓) ngebhoksini elingesandleni sokudla, begodu nangabe isitatimende simamala, tshwaya isiphambano (✗).

Iye ✓ Awa ✗

Ingabe abentazana nabesana babonakala bafana?	
Ingabe iinhluthu zabo boke abafundi ngetlasini zinombala ofanako?	
Ingabe boke abafundi banamehlo afanako?	
Ingabe izandla zabo boke abafundi ziyalingana?	
Ingabe boke abafundi betlasi bayalingana ngobude?	



### Asikhulume

Ingabe uyabona kobana asifani? Begodu uyabona kobana siyafana ngezinye izinto? Cocani ngalokho esifana ngakho.




### Asigwaleni

Gwala isithombe sakho. Sebenzisa isezenso somlomo ukwenza ukugadangisa umuno wakho eduze kwefreyimu yesithombe.



Uyazi nje kobana ephasini loke akekho umuntu onegadangiso lemino elifanako?

Nguwe wedwa begodu ukhethekile!



# Sizizwa njani

Cocisanani kobana nizizwa njani lokha nanivelelwe yinto ehle nekarisako. Ngemva kwalapho cocisanani ngokuthi nizizwa njani lokha nanivelelwe ngokumbi. Lokhu sikubiza ngokuphakama kwemizwa.

Ithemu - I - Ivake - 5 - Iphepha lokusebenzela

Asikhulume



Asitole

Tlola iimpendulo zemibuzo engenzasi.



Ngikuphi okungithabisako?

Ngikuphi okungenza ngidane?


Ngikuphi okungenza ngithuke?

Ngikuphi okungenza ngithabe?



## Asenzeni lokhu


Gwala bese ufaka nombala iketana yobungani. Linga ukwenza unodoli omunye nomunye ahluke komunye ukutjengisa kobana asifani begodu sikhethekile. Nasele nikwenzile lokho, ningasika itjheyini yobungani kibosika abaphakathi nencwadi le. Yenza unopopi ngamunye aqaleke ngendlela eyahlukileko bese niyabatjela kobana ajame phezu kwedeski lakho ukuze akukhumbuze kobana soke asifani begodu sehlukile komunye.



## Asiphumele ngaphandle

Yenza umzimba wakho ube mkhulu ngendlela ongakghona ngayo. Linga ukwenza umzimba wakho ube mncani ngendlela ongakghona ngayo.

Linga ukwenza umzimba wakho ube mude ngendlela ongakghona ngayo. Kokugcina, linga ukuwenza ube mfitjhani ngendlela ongakghona ngayo.



Teacher:	<input type="text"/>
Sign:	<input type="text"/>
Date:	<input type="text"/>

# Abantu abaphila nokukhubazeka

Ithemu - I - Iweke - 5 - Iphepha lokusebenza



Asikhulume

Qalani iinthombe ezilandelako.

- Ubona ukukhubazeka okwehlukileko okumihlobo emingaki?
- Omunye nomunye umntwana usebenzisa ini ukuzisiza?
- Ucabanga kobana omunye nomunye umntwana qobe lilanga uhlangabezana namiphi imiraro epilweni yakhe?
- Khulumani ngesingakwenza ukubasiza.



Asitole

Qalani iinthombe ezilandelako.

UBathabile akawazi ukukhamba.

Usebenzisa \_\_\_\_\_  
ukukhambakhamba.



USelephi akaboni kanti  
usebenzisa \_\_\_\_\_  
ukuthola lapha akhamba khona.



isihlalo mavilo

inja ekurholako



isisetjenziswa esisiza  
ukuzwa



UBangani akezwa.

Usebenzisa \_\_\_\_\_  
ukumsiza kobana ezwe.



UJabu akakhulumi/simumu.

Usebenzisa \_\_\_\_\_  
ukukhulumu.



UNomusa usebenzisa

\_\_\_\_\_ ukukhamba.



Sebenzisani umdaka nanyana  
ihlama yokudlala ukwenza ivasi  
nanyana ibhegere.



# Boke abentwana baligugu bebakhethekile

Itthemu-1 – Iweke-6 – Iphepha lokusebenza



Asikhulume

Abentwana abalandelako laba bahluke ngani kuwe?

Bafana njani nawe?



Asifunde

Ephasini loke abantu bagidinga amalanga akhethekileko.

Sithanda ukndlala nokuvuma.

Soke sifuna ukudla sidle.

Soke kumele siye esikolweni.

Nasigulako, soke kumele sibonane nodorhodera.

Soke kumele sihlanzeke besizigcine sihlanzekile.

Akukafaneli kobana sisetjenziswe kabudisi.

Sibentwana.



Asitole

Buza abangani bakho aba-3 imibuzo elandelako. Tlola iimpendulo zemibuzo yabo eenkhaleni ezingenzasi.

Qedelela ngokutlola ibizo lomngani wakho.			
Ngiyiphi ikolo yakho?			
Migidingo miph iekhethekileko kuwe enalokhu?			
Udla ini?			
Wena ngiziphi izambatho ezikhethekileko ozembathako?			
Ugidinga ini ngalokhu:			



Asenzeni lokhu

Qala isithombe.  
Mumebhe wephasi.  
Uyabona  
kobana ephasini  
kunamalwandle kanye  
namalwandlekazi.  
Amalwandle afake  
umbala ohlaza  
sasibhakkabha. Gwala  
iihlambi ezimbalwa  
elwandle. Faka inarha  
umbala ozotho.



Teacher: \_\_\_\_\_  
 Sign: \_\_\_\_\_  
 Date: \_\_\_\_\_



# Ikutani yami



Asikhulume

Ingabe bakhona abafundi abaphila nokukhubazeka esikolweni senu?  
Khulumanzi ngalokho.

Isikolo singenza ini ukubasiza nabasesikolweni? Ingabeabantu  
abaphila nokukhubazeka bangaba ziinkutani?



Asifunde

Ezinye iinkutani ziphila nokukhubazeka.  
Siqalelela kizo. Kukhona

omunye umuntu ophila nokukhubazeka  
begodu ophuma phambili emidlalweni?  
UNatalie du Toit waqintwa inyawo  
langesinceleni ngemva kokufunyana  
ingozi yebhayisigili. Ukhamba  
ngenyawo lokwenziwa  
kodwana nakadudako, usebenzisa  
umlenze owodwa.



Asikhulume

Khulumanzi ngabantu abaphila  
nokukhubazeka abenza izinto ezimangazako.  
Cabangani ngalokhu:

- Abantu abaphopheleko  
abadlla iisetjenziswa  
zomvumo. Kukhona omunye  
umuntu ophopheleko omaziko?
- Abantu abaphopheleko  
abatlola iingoma. Ungacabanga  
ngomunye umuntu osibonelo  
kilokhu?





Asitlole

Esikhale ni esingenzasi, tlola imininingwana nekutani  
yakho nanyana umuntu oqalelele kuye.

## Ikutani yami:

Gwala isithombe somuntu omthatha njengekutani yakho nanyana umuntu oqalelele kuye. Tlola amagama eduze kwesithombe sakho ukuhlathulula umuntu loyo. Isibonelo, unethando, unesithunzi, unomusa, uyakwazi ukukhuthaza abanye, njil.

Ungaba yikutani ngaziphi iindlela? Wena nomngani wakho khulumisanani ngemibono eningayiveza/eningayicabanga. Kwanje tlola indatjana ngokuthi kungani waba yikutani. Qedelela imitjho engenzasi:

Ngelinye ilanga

Ngaqunta

Ngangifuna/Ngacabanga

Ngikho nje ngaba yikutani



# Ukuhlanza amanzi


**Asifunde**

Qala irhalasi enamanzi.

Kukhona into oyibona ngaphakathi?

Awa, angekhe wabona litho. Kodwana uyazi nje kobana ngesinye isikhathi ungafunyana imilwana ngaphakathi kwamanzi? Imilwana le mincani khulu begodu angekhe wayibona ngamehlo wenyama. Nawuzakusela amanzi lawo ngaphambi kokubulala imilwana leyo, untagula khulu. Kanengi kumele siqinisekise kobana amanzi esiwaselako ahlanzekile.


**Asikhulume**

Khulumani ngalokho ekungenzeka lokha nasisela amanzi angakahlwengeki. Kwanje qalanî iinthombe ezingenzasi. Cocisana nomngani wakho ngeendlela ezahlukeneko zokuhlanza nanyana zokucwengisa amanzi.



Faka ipilisi letlorini ngemanzini.



Bilisa amanzi

imizuzu emi-5.



Faka amakhemikhali.



Sefa amanzi.



## Asikhulume

Ngimaphi amanziocabanga kobana aphephile ukuwasela?  
Khalara amanzi lawo ngombala ohlaza sasibhakabhaka nawucabanga  
kobana aphephile begodu angaselwa.

Amanzi womlambo



Amanzi aphuma ebhorweni.

Amanzi wepompo



Amanzi athengiweko angebhodlelweni.

Amanzi welwandle



Amanzi angeketleleni abilisiweko.



## Asenzeni lokhu

Sebenzani ngeenqhemha bese nenza isisefo samanzi ukuze nihlwengise  
amanzi. Lalelisisan lokha utijhere nakanihlathululelako ngalokho  
enimele nikwenze.

### Uzokutlhoga okulandelako:

Ibhodlelo leplastiki eliyi-2 litha

Isanda emarhororhoro/

emakaritjha

Amatje amancani

Isikere


Ikhothiniwulu



## Asitlole

Nombora iindlela zokusefa amanzi ngendlela efaneleko.

	Thela isanda esefefe yaba lula ngaphezu kwekhothiniwulu.
	Phendula ibhodlelo liqale phasi.
	Thela isanda emakaritjha.
	Ngokuyelela okukhulu sika ilingenzasi lebhodlelo leplastiki.
	Thela amanzi anedaka ngaphakathi.
	Wisela amatjana amancani nanyana ikhethe ngaphakathi kwebhodlelo.



# 14 Indlela yokuphila ekungiyo

Asifunde

Funda yoke imikghwa elandelako, ingaba mihle nanyana ibe ngemimbi. Nangabe ucabanga kobana mumukghwa omuhle, tlola itshwayo (✓), eduze komutjho lowo. Nangabe ucabanga kobana mumukghwa omumbi, tlola isiphambano (✗) eduze komutjho lowo.

Imikghwa Utijhere usiza umfundi ukufunda.	Omumbi ✓	Omuhle ✗
Ngidla ukudla okunepilo.		
Ngiphosa izinto ezingafunekiko ngefesidiri lebhesi nanyana leteksi.		
Ngihlamba iinhluthu zami njalo.		
Ngidla amaswidi amanengi.		
Ngigcina amazipho neendlebe zami zihlanzekile.		
Ngihlamba amazinyo wami nomlomo kanye ngelanga.		
Ngidobha iinzibi ngiziphosele ngemgqonyini weenzibi.		
Ngihlamba izandla zami njalo ngemva kokuya ngendlini yokuzithumela.		
Lokha nangithimulako/nangikhohlelako, ngivala umlomo wami ngesandla.		
Ngithabulula umzimba njalo.		
Ngihlamba izandla zami njalo ngaphambi kokudla.		
Ngibhambalala ngaphambi kwe-TV ama-iri amanengi.		
Ngihlala nabantu abadala nabakhokako.		



Gwala iphosta ngomukghwa omuhle nanyana omumbi.

### Asenzeni lokhu



### Asitlole

Qalisisa iphosta yakho. Funda isitatimende ngasinye bese ufake ubuso obuhlekako nangabe isitatimende siliqiniso. Faka ubuso obudanileko nangabe isitatimende asisilo iqiniso.



Iye	Awa

Iphosta yami yihle, inemibala ekhangako.

Ngikuthabele ukwenza iphosta le.

Ngikubone kulikhuni ukwenza iphosta le.



### Asiphumele ngaphandle

- Ungeqela kude kangangani? Sebenzisa iinrobho ezintathu. Yeqa ngaphezu kwazo. Ngemva kokweqa, zibeke godu maqalanga ubone kobana ungeqela kude kangangani.
- Ngemva kwalapho-ke bawa abangani bakho ababili babethe iqathulo wena bese uyayeqa.
- Dlheganani ngokweqa iqathulo.



Teacher:  
Sign:  
Date:

# Imikhiqizo eyonakalako naleyo engonakaliko

Ithemu - I - Ivake - 8 - Iphepha lokusebenzela



Asikhulume



Cocani ngokudla okumele kugcinwe kumakhaza ukukhandela kobana kungaboli. Quntani kobana ngikuphi ukudla okungatlhogi kobana kubekwe endaweni emakhaza, kodwana okungafakwa ngemakasini/ngemakhabeteni. Sika iinthombe ekhasini labosika bese uzinamathisela ngekhabeteni/ngekasini nanyana ngesiqandisini.





Khulumani ngeendlela esingakhandela ngazo kobana  
abotjhontjhwan ni neempukani zingahlali phezu kokudla  
kwethu.



# linkolo namalanga akhethekileko



Asifunde

Kilo loke iphasi abantu bagidinga amalanga  
wamaholideyi akhethekileko.  
Ungagidinga maphi  
amaholideyi?

Ngelanga lakaKresimusi sifunyana  
izipho. Begodu sipha abangani bethu  
namanye amalunga weminden  
yemakhaya izipho. Siba nomuthi  
wakaKresimusi emakhaya. Sibeka  
izipho zethu ngaphasi komuthi lowo.  
Siyawukghabisa umuthi bese sibeke  
neenkwekwezi phezulu. Ngelanga  
lakaKresimusi sidle ukudla  
okunengi, nokumnandi.



Ithemu - I - Ivake - 8 - Iphepha lokusebenza




Sesilinde ilanga leDiwali ngamehlo  
abovu. Leso sikhathi lapha sifunyana  
khona amaswidi amanengi kanye  
nezipho ezinengi tle. Sipaka amaswidi  
amnandi kanye namakhekhe  
ngamabhoksi silungiselela iimvakatjhi  
zemakhaya. Sikhanyisa amalampa  
amancani bese siwabeka abhode  
umuzi. Sikghabisa izindlu zemakhaya  
bese sibe namakerekere.



Sesilindele ilanga leHanukkah khulu. Sizokuba nokudla okunengi esizokudla. Sithanda ukudla amakhekhe abhagwe ngepani kanye negwinya elinetjhukela enengi khulu. Begodu ngelangelo, silindele ukuthola izipho. Abomzala bayeza bazosivakatjhela. Soke siyasiza ukupheka ukudla kwelanga begodu emakhaya sikhanyisa namakhandlela.

Kungasikade kuzokuba lilanga le-Eid. Ngiyathemba kobana uzokufunyana isipho esihle. Nathi sizokupha abangani bethu izipho. Kuzokuba namakhekhe amanengi kanye namaswidi esizowadla. Sibona ngendlela ejame ngayo kobana sekusikhathi se-Eid. Qobe minyanga ilanga leli liba ngelanga elahlukileko.



Teacher:  
Sign:  
Date:

# 17 linkhathi zomnyaka

Ithemu-2 – Iweke-/ – Iphepha lokusebenza



Asikhulume

Qala iinthombe ezimayelana neenkathi zomnyaka. Cocela umngani wakho kobana ubona ini esithombeni ngasinye. Mcocele kobana iinkathi ezine zomnyaka zehlukene njani.



Ngisiphi isikhathi somnyaka osithanda khulu? \_\_\_\_\_

Kubayini uthanda isikhathi lesi somnyaka? \_\_\_\_\_

Ilanga lakho lamabeletho lingasiphi isikhathi somnyaka? \_\_\_\_\_

Ilanga: .....



Asivumeni

**Lotjha nomzana Langa!**

**Ilanga lakho lisanda ukuthoma.**

**Ngiyathanda ukubona ubuso bakho**

**obumanyazelako. Lotjha nomzana**

**Langa.**



**Zulu! Zulu tjhabala!**

**Abentwanyana bafuna ukudlala.**

**Uzakubuya ngelinye ilanga.**

**Ungabikhona ilanga libe linye tere.**



Teacher:
Sign:
Date:

# 18 linkhathi ezine zomnyaka

Ithemu-2 – I'veke-/ – Iphepha lokusebenza



Sika iinthombe zeenkhatti zomnyaka kibosika abangemuva encwadini yakho. Namathisela isithombe ngasinye eduze kwesikhatti esifaneleko somnyaka.



**UJuni**

**UJulayi**

**U-Arhostesi**

**ubusika**

**USeptemba**

**U-Oktoba**

**UNovemba**

**ithwassahlobo**





UDisemba

UJanabari

UFebherbari

iholo

Umatjhi

U-Apreli

UMeyi

isiruthwana




Asiphumele ngaphandle

Zijayeze ikghono lakho lebholo.

Phosela ibholo phezulu kweboda.

Gadanga ndawonye lokha nawubetha phasi ibholo.

Kwanjesi gjima uphose ibholo ujikeleze isigodo.




# linkhathi zomnyaka



Asifunde

Ithemu - 2 - I'veke - 2 - Iphepha lokusebenzela




## Ihlobo

Ubujamo bezulu buyatjhisa bufuthumele.

Imini yide kanti ubusuku bufitjhani.

Singaphola ngokobanyana sidude nanyana sihlale emthunzini.



## Isiruthwana

Ubujamo bezulu buyaphola.

Amakari athoma ukutjhugulula umbala ube sagolide bese ayawa emthini.

Inyoni zipaphela eendaweni ezifuthumeleko.



## Ubusika

Ubujamo bezulu bumakhaza.

Kezinye iindawo kulala ilothe.

Ubusuku bude kanti imini ifitjhani.

Ezinye iinyamazana ziyahluba ebusika.

## Ithwasahlobo

Ubujamo bezulu buyatjhisa.

Intjalo zithoma ukumila begodu kubanamathuthumbo phezu kwezinye intjalo.

Inyoni zithoma ukwakha iindlheke bezibekelamaqanda.





Asikhulume

Ukudla okuhlukahlukeneko kutholakala ngeenkhathi zomnyaka ezihlukeneko. Qalisisa ukudla okulandelako lokhu kwehlobo nokwebusika. Tjela umngani wakho kobana uthanda ukudla kuphi nakutjhisko nalokha nakumakhaza.



Ihlobo  
↑  
Ukudla kwesinye  
nesinye isikhathi  
somnyaka

↓  
Ubusika



Teacher: \_\_\_\_\_  
Sign: \_\_\_\_\_  
Date: \_\_\_\_\_



Itthemu - 2 - I'veke - 2 - Iphepha lokusebenza

# Ukwembatha ngendlela ubujamo bezulu bungakho



Asigwaleni

Gwala isithombe somsana nomntazana. Umsana kufanele ambathe izembatho ezifuthumeleko zebusika bese kuthi umntazana ambathe izembatho ezipholileko zehlobo.




Umsana	Umntazana



Asiphumele ngaphandle

- Yenza amaqubi wehlabathini.
- Lokha utitjhere wakho nakutjela bonyana weqe, yeqa weqele ngaphakathi kwamaqubi ngeenyawo zombili.
- Lokha utitjhere wakho nakutjela bonyana weqe, weqe uphume equbini ngenyawo elilodwa.
- Dlala iskomborika.
- Sebenzisa itjhogo ukugwala iindulunga neenkwere ehlabathini.





Asikhulume

Cocela umngani wakho kobana sembatha ziphi izembatho kesinye nesinye isikhathi somnyaka?



Asitlole

Thala umuda osuka ehlathululweni yezambatho esizimbatha ngesikhathi somnyaka.

## Ukwembatha okukhambisana nobujamo bezulu

Lokha nakunelanga sifanele ukuthwala iingwani ukuze sizivikele elangeni.



Lokha nakufuthumeleko sifanele ukwembatha izembatho ezipholileko.



Lokha nakumakhaza ngaphandle sifanele ukwembatha izembatho zevolo ezivuthumeleko.



Lokha nalinako sifanele ukwembatha irenjasi besiphathe nesambrela.



# Imithelela yeenkhathi zomnyaka

Ithemu-2 – Iweke-3 – Iphepha lokusebenzela



Asifunde



## Ihlolo

Ehlolo abosomaplesi bavuna  
iinthelo. Amakonyana  
weenyamazana abamajadu.

Kezinye iindawo izulu lina khulu line  
ngamawuruwuru nombani.

Utjani, amahlathi namathuthumbo  
kumila ngamandla. Imithi  
yona ibamide.



## Ithwasahlolo

Ngethwasahlolo imithi ithoma  
ukumila amakari.

Sibona iinyoni, iinyosi,  
amatuthumbo kunye  
namakari ahlazana.

Iinyoni zakha iindleke  
bezibekele amaqanda.

Abosomaplesi bona basika  
uboya bezimvu.



## Isiruthwana

Ezinye iinlwana zibulunga ukudla kwazo njengombana zizokutlhoga ngesikhathi sebusika.


Amakari wemithi athoma ukubasarulani, abebhraweni, abebomvu abuye abesalamune.

Utjani buthoma ukubabhrwani.



## Ubusika

Ezinye iinlwana ziyahluba ebusika.  
Ziyafuthumala ngombana isikhumba sazo sibamabhombo.



Asitlole

Ezinye iinlwana zenzani ebusika? \_\_\_\_\_

Ezinye iinlwana zizivikela njani amakhaza? \_\_\_\_\_

Iinyoni zibuyela nini eendaweni ezifuthumeleko ebezibalekele kizo? \_\_\_\_\_





# Ukutjala isitjalo ngebhlegeni

Ithemu - 2 - I'veke - 3 - Iphepha lokusebenzela



## Utlhoga

- Iimbontjisi
- Ivolo
- Isimumathi
- Amanzi



## Bese wenzeni

Beka iimbontjisi phezulu kwevolo ngaphakathi kwesimumathi.  
Silonde njalo sihlale sithambile. Beka isimumathi efasidereni lapho  
kunomkhanyo khona welanga.




Tjheja isimumathi leso isikhathi esingaba ziimveke ezimbili.  
Tjheja kobana kumila njani.



Qala iinthombe zeentjalo lezi ezingesimumathini.  
Lokha isitjalo sakho nasiqaleka sinje, zalisa ilanga.

Ilanga	Ilanga	Ilanga	Ilanga

Ilanga: .....



Asenzeni lokhu

Yenza umdlalo wokulingisa ngesibandana.


Ungatjengjisa ibhere nanyana isikwirili esibuthelela ukudla nokugcina ukudla kwebusika.



Asiphumele ngaphandle

Zigede phasi ehlabathini njengenyoka  
lokha nayifuna ukuhluba.

Phapha  
njengeviyaviyani  
liphaphela  
endaweni  
efuthumeleko.



Teacher: \_\_\_\_\_  
Sign: \_\_\_\_\_  
Date: \_\_\_\_\_




23

# linlwana: linlwana zemaplasini


Qala iinthombe bese ukhulumha ngeenlwana zemaplasini ozibonako.

Ngisiphi isilwana osithandako?

Sithola ini kesinye nesinye isilwana kilezi ezilandelako?



Asikhulumbe





**Asitole**

Qedelela ngependulo enembako ngaphakathi kwamatheyibula.  
Yokuthoma selewenzelwe yona.

	Eduna	Iramu
	Esikazi	Ikonyana lakadumbana
	Ikonyana	Idzinyani lemvu
	Itjhada	Baa!
	Indawo	Isibaya

	Eduna	
	Esikazi	
	Ikonyana	
	Itjhada	
	Indawo	

	Eduna	
	Esikazi	
	Ikonyana	
	Itjhada	
	Indawo	

	Eduna	
	Esikazi	
	Ikonyana	
	Itjhada	
	Indawo	





# Eplasini

Ithemu-2 - I'veke-4 - Iphepha lokusebenzela



Umkhulu omdala bekaneplasi

Hee-hi-hee-hi-ho!

Eplasini bekaneenkomo

Zithi mu-mu lapha zithi mu-mu laphaya!

Lapha i-mu mu nalapha i-mu-mu!

Yoke indawo kuthi mu-mu-mu!

Umkhulu omdala  
bekaneplasi


Hee-hi-hee-ho!





Asivumeni

Ragela phambili uvume ingoma. Jamiselela imida yekomo ngeenlwana lezi.



Eplasini bekanezinja.




Eplasini abuye  
abenamadada.



Asiphumele ngaphandle

- Bakhamba phezu kwentambonofana umuda, ngaphandle kokuthi bawele phasi.
- Phosa ibholo emoyeni bese uyayigenda, ngaphandle kokuthi uwele phasi.
- Kwanje rholobha njengepera.
- Betha umlulungwani njengenja.
- Khamba njengerobodo.






25

# linlwana zemangweni



Asifunde

Ithemu - 2 - I'veke - 5 - Iphepha lokusebenza




Amabhubezi awela emhlotjaneni wabokatsu. Ibhubesi laziwa njengekosi yeenlwana. Amabhubezi ayazuma abambe bekabulale iinnlwana ezifana neempunzi kanye namadube. Amabhubezi asikazi ngiwo azuma khulu. Amabhubezi avamise ukuzuma ebusuku ngeenqhemha. Amabhubezi athanda ukuhlala endaweni evulekileko enotjani. Amabhubezi avamise ukuzwakalisa isililo sawo khudlwana.

Iindlovu ziinlwana ekungezikulu kilezo ezimunyisako ephasini. Iindlovu zivamise ukuba sengozini esikhathini esinengi ziyazunywa ngebanga lomsebenzi weempondo zazo. Iindlovu zikhula ipilo yazo yoke. Iindlovu zisebenzisa imiboko yazo ukufaka imirabhu, iinthelo kanye namanzi ngemloyeni lokha nazidlako. Zidla ukudla okungaba budisi obumakhiligremu ama-200 ngelanga begodu zisele amalitha wamanzi angaba malitha ali-190.



Kukhona imihlobo emibili yabobhejani , ubhejani omhlophe nonzima. Abobhejani ababoni kuhle kodwana banekghono elihle lokunukelela. Abobhejani bakhulu begodu bangaba nobudisi obungabamakhilogremu azi-2 500. Abobhejani kanengi bayabulawa babulawelwa iimpodo zabo. Kufanele sikhandele besivikele ukubulawa kwabobhejani babulawelwa iimpondo zabo.



Ingwemabala ekulu ingaba mamitha ama-2 ubude. Ibonakala ngamabala abhraweni okukhanyako namabala anzima sandulunga. Ingwe inekghono lokukhwela umuthi begodu ayibi nobudisi ukuzuma ikhwele emthini.



Iinyathi zivamise ukuhlala ngomhlambi. Lokha nakubonakala sengathi kunengozi, amatholekazi namakonyana ajama ngaphakathi kwendulunga ezungelezwe ziinkunzi ukuzivikela. Ezinye zeenkomo zommango zikhula zibe nokuphakama okungaba limitha eli-17.



# iinlwana zizifihla njani

Ithemu - 2 - I'veke - 5 - Iphepha lokusebenza



Asifunde



Ezinye iinlwana zizivikela ngokutjhugulula imibala

yazo ifane nendawo lapho zikhona ukuze zivikeleke.



Inwabu litjhugulula umbala walo ufane nowomuthi



eliwukhwelako. Imithalo etholakala phezu komzimba



wedube yenza kubebudisi ukubona idube emangweni

nanyana emahlathini. Ezinye iinlwana zineensiba



ezifanako ezenza kungabilula kobanyana zibonakale.



Lokhu sikubiza ngokutjhuguluka kweenlwana.

Akhe ucabange ngezinye iinlwana ezitjhugulula

umbala nokunye.



Efitjhani



Utitjhene wenu uzanitjengisa  
kobana umvumo obethwa  
ngeenhlalo unjani.





Asenzeni lokhu

Gwala isilwana semangweni sibe sinye. Bese uccocela umngani wakho kobanyana isilwana leso sitjhuguluka njani umbala waso.





27

# linlwana zangemanzini

Ithemu-2 - Iweke-6 - Iphepha lokusebenza



Asenzeni lokhu

Qedelela isithombe ngokuthi ungezelele umgwalo nanyana iinthombe zeenlwana eziphila ngemanzini.




# linlwanyana eziphila ngaphasi kwamanzi




Asikhulume

Akhe siqale zoke iinlwanyana eziphila ngaphasi kwehlabathi.



Kukhona neenlwanyana ezincani eziphila hlangana namatje ngaphasi kwamanzi.




Ithemu-2 – I'veke-b – Iphepha lokusebenzela

Teacher:
Sign:
Date:

# Ubukghwari beenlwana


Ithemu - 2 - I'veke - 7 - Iphepha lokusebenzela



Asikhulume

Coca ngazo zoke iinlwanyana zangewandle  
eziseenthombeni lezi.

- Ngisiphi isilwanyana kilezi?
- Ngiziphi iinlwanyana zangemanzini eziyingozi?
- Umzimba wefesi unjani begodu uvikelwe yini?
- Ngiziphi iindlela ezihlukeneko ezingasilaphaza ilwandle.
- Uqabanga bonyana kuzokwenzekani lokha ilwandle  
nangelingazala ngokusilaphazeka okunetjhefu?



Asitlole

Tlola amabizo weenlwanyana oqabanga bonyana zihlala emilanjeni, emadamin  
namtjhana elwandle emakholomini amathathu wetheyibula engengenzasi.


Emlanjeni	Elwandle	Edamini



Asenzeni lokhu



Zakhele yakho itankana yeemfesi.

- Penda ingaphakathi lebhoksi leenyathelo ngokuhlaza kwasibhakabhaka bese ulilalisa ngehlangothi.
- Sika ukhuphe ifesi/ihlambi ngemva kwencwadi.
- Namathisela ngaphezulu kwebhoksi ngeselotheyibhu nentambo.



Asiphumele ngaphandle


- Phapha njengenyoni ngebelo eliphezulu nebelo elibuthaka.
- Tjuza njengephengwini.
- Phapha njengenyosi.
- Khamba likeke njenkala.
- Duda njengefesi/njengehlambi.
- Yeqa njengesirhwarhwa.
- Dlalani umdlalo wokulandela odosako/ongaphambili.
- Dlalani umdlalo wakakatsu nekhondlo.



Teacher:
Sign:
Date:

# 30 linlwanyana ezithwala imizi yazo ngaso soke isikhathi

Ithemu -2 – I'veke-7 – Iphepha lokusebenzela



Uthi bewazi? Ngilingana kuhle  
ngaphakathi kwecephe lami begodu  
akwenzeki kobana libelincani  
lingangilingani.

## Ikghuru

Ikghuru ingenye yeenlwana ezirhurhuba ngamathumbu begodu inemilenze evulekileko nentamo kunye nehloko.

Zihlala kuphi?

Ithathila: Ngihlala elwandle.	Itheraphina: Ngihlala endaweni esemanzini, endaweni ezithambileko.	Nekghuru: Ngihlala ehlabathini.



Asitlole

Phendula imibuzo elandelako ngekghuru ehlala ehlabathini.

Indlwana yekghuru ithambile nanyana iqinile? \_\_\_\_\_

Indlwana yekghuru iyivikela ini, kuphi? \_\_\_\_\_

Ikghuru yenzani lokha nayithukweko? \_\_\_\_\_

Iinkghuru zidla ini? \_\_\_\_\_

Ilanga: .....

# Ummenke

Qala iqephe lomnenke.

Ilihlo

Iqephe

Iphondo elide

Iphondo elifitjhani

Inyawo

Umgojana wokuphefumula

Ummenke ukhamba njani? \_\_\_\_\_

Ukhe wafunyana iqephe lilodwa? Ucabanga bonyana kwenzekeni ngomnenke loyo? \_\_\_\_\_


Amaqephe weminenke anombala onjani? \_\_\_\_\_

Kubayini ucabanga kobanyana iminenke inamaqephe? \_\_\_\_\_



Asitlole

Ucabanga kobanyana ngihlala kuphi? Eduze kwesithombe sami tlola indlwana yami esemthini, ehlabathini nanyana emanzini.



# 31 linwana ezizakhela izundlu zona ngokwazo

Ithemu -2 – I'veke-8 – Iphepha lokusebenza



Asenzeni lokhu

Hlanganisa iinthombe zeenlwana lezi neenthombe vezindlu zazo.



Asifunde

**linyosi**

Iinyosi zihlala ngaphakathi kwesihlaka seliju.  
Zakha isihlaka ngesinamathelisi esithileko.  
Zifihla ukudla ngaphakathi kwesihlaka sazo.



# Abotjhontjhwanī

Abotjhontjhwanī bakha izindlu zabo ezihlukeneko ehlabathini. Ubutjhontjhwanī obuncani bungathwala okhunye nokhunye okubanobukhulu obubuyeletwe kathathu kunezinga labo. Buyayeletisana nangabe kukhona ingozi nanyana okuthileko okuyingozi.



Asitlole

Kubayini ucabanga kobana ubutjhontjhwanī bakha iindlwana zabo?

Ngubani isitha sobutshontshwanī?

Ubutjhontjhwanī busebenzisa ini lokha nabakha iindlwana zabo?



Asifunde

## linyoni

Iinyoni zakha isidleke lapho zizokwazi ukubekela amaqanda wazo khona. Ubukhulu besidleke bulawulwa bukhulu benyoni?

Ngiyiphi inyamazana esisitha senyoni?



A a		M m
B b		N n
C c		O o
D d		P p
E e		Q q
F f		R r
G g		S s
H h		T t
I i		U u
J j		V v
K k		W w
L l		X-Z x-z

